

**Broj** : 01- 195 /13

**Dana** : 18.03.2013 godine

**SKUPŠTINA KANTONA SARAJEVO**  
**predsjedavajuća Skupštine**

**PREDMET: Poslaničko pitanje Efendić Faruk, odgovor, d o s t a v l j a s e;-**

Poslanik Efendić Faruk je na 23. Radnoj sjednici Skupštine Kantona Sarajevo, održanoj dana 30.01.2013 godine, u okviru tačke Dnevnog reda "Poslanička pitanja, inicijative i odgovori", a u skladu sa Poslovnikom Skupštine Kantona Sarajevo, postavio je poslanička pitanja:

**Poslaničko pitanje 1:**

Koliko policijskih službenika je angažovano u odjeljenjima kriminalističke policije i sektoru kriminalističke policije i koja je njihova obrazovna struktura (prema stepenu i vrsti školske spreme)? Pitanje postavljam jer smatram da su stručnost i znanje jedan od glavnih faktora za efikasno otkrivanje krivičnih djela i počinitelaca a s obzirom na katastrofalne rezultate u pojedinim oblastima kao što su korupcija, privredni kriminalitet, zloupotreba kompjutera ili šumske krađe i uopšte kriminalitet protiv okoliša uz konstataciju da među nezaposlenim godinama u kantonu imamo veliki broj mladih visokoobrazovanih pravnika, kriminalista i ekonomista.

Zašto se zataškava i zašto se i dalje vode na neusklađen način podaci o registovanim protivpravnim ponašanjima između knjiga dnevnih događaja i izvještaja koje podnose policijske uprave, te kada će ovom lažnom prikazivanju doći kraj?

**Poslaničko pitanje 2:**

Koliko ima zaposlenih policijskih službenika u MUP-u KS u stalnom radnom odnosu koji su navršili 60 godina, te po kom pravnom osnovu oni još uvijek rade, obzirom da je poznato da policijski službenici imaju uvećan radni staž?

**Molim da se dostavi spisak svih uposlenika MUP-a KS (policijskih službenika, državnih službenika) koji su navršili 60 godina sa tačnim podacima o ukupnom radnom i beneficiranom stažu.**

## **Odgovor na poslaničko pitanje 1:**

U ranijem periodu već je odgovoreno na postavljeno pitanje, te Vam u cijelosti ponavljamo odgovor kako slijedi:

U Sektoru kriminalističke policije Uprave policije MUP-a KS raspoređena su 93 policijska službenika u skladu sa činovima koji su propisani za obavljanje poslova i zadataka za konkretno radno mjesto. U odjeljenjima kriminalističke policije (Prve, Druge, Treće, Četvrte i Pete policijske uprave) raspoređeno je 107 policijskih službenika.

U skladu sa Pravilnikom o unutrašnjoj organizaciji MUP-a KS za ovlaštena službena lica kao uslov za raspored na konkretno radno mjesto propisan je odgovarajući čin a ne vrsta školske spreme. Nadalje, određeni stepen školske spreme predstavlja jedan od uslova za sticanje određenog čina, te je npr. za čin "mlađi inspektor" kao uslov za sticanje navedenog čina propisan i VI odnosno VII stepen školske spreme. Koristimo priliku da istaknemo da je Uprava policije MUP-a KS u više navrata obavještavala da postoji deficit kadrova u Upravi policije MUP-a KS (cca 250 upražnjenih pozicija) i tražila se hitna popuna upražnjenih pozicija na što bivši ministar MUP-a KS Muhamed Budimlić, kao i bivša Vlada KS nisu imali sluha niti su poduzimali mjere iz svoje nadležnosti kako bi se otklonio navedeni deficit kadrova čime bi se u krajnjoj liniji doprinijelo i većem stepenu sigurnosti na području Kantona Sarajevo.

Evidencije koje se vode u Upravi policije su usklađene sa Zakonom o policijskim službenicima KS, Zakonom o zaštiti tajnih podataka, Zakonom o zaštiti ličnih podataka i drugim propisima koji se odnose na evidencije kako u materijalnom tako i u elektronskom obliku. Ministarstvo unutrašnjih poslova KS je donijelo podzakonski akt – Uputstvo o evidencijama i njihovom vođenju u Upravi policije MUP-a KS broj 01-873/09 i 01-772/10 gdje se između ostalog propisuje koje će se evidencije voditi i na koji način. Koristimo priliku da se ogradimo od kvalifikacija koje se navode u poslaničkom pitanju, a koje ne pripadaju Upravi policije, obzirom da smo usaglasili način obavještavanja nadležnog Tužilaštva o protivpravnim radnjama koje imaju obilježja krivičnog djela, što je Kantonalno tužilaštvo potvrdilo u međusobnoj korespondenciji sa MUP-om KS, te je isto ponovno potvrđeno njihovim aktom broj A-285/11. Obavještavamo Vas da je komisija VSTV za jačanje pravosudnih sistema u BiH preduzela određene aktivnosti na unificiranom postupanju tužilaca i policijskih službenika u preduzimanju radnji dokazivanja, te da je Uprava policije MUP-a KS aktivan sudionik istog. MUP KS će i dalje nepokolebljivo stvarati uslove za ostvarivanje osnovne zadaće u čijem će fokusu i dalje biti sigurnost građana na prvom mjestu.

## **Odgovor na poslaničko pitanje 2:**

U ranijem periodu već je odgovoreno na postavljeno pitanje, te Vam u cijelosti ponavljamo odgovor kako slijedi:

U Ministarstvu unutrašnjih poslova Kantona Sarajevo za policijske službenike kao osnov prestanka radnog odnosa članom 122. stav (1) tačka c) Zakona o policijskim službenicima KS propisano je – "kada policijski službenik navrší 65 godina života i zakonom propisani penzijski staž ili 40 godina penzijskog staža. Trenutno u MUP-u KS nije zaposlen nijedan policijski službenik koji je stekao navedene uslove, obzirom da u momentu sticanja istih po sili zakona prestaje radni odnos u MUP-u KS. Isticanje činjenice da neko ima navršениh 60 godina a radi u MUP-u KS kao policijski službenik je u potpunosti irelevantno obzirom da

navedena činjenica nema nikakvog značaja za utvrđivanje osnova za prestanak radnog odnosa zbog ispunjavanja uslova za starosnu penziju. Naime u svakom konkretnom slučaju dužina penzijskog staža se utvrđuje uzimajući u obzir sve relevantne činjenice počev od datuma zasnivanja radnog odnosa kao ovlaštenog službenog lica, pa nadalje (npr. postoje slučajevi kada je lice izvjestan period radilo kao neovlašteno lice, a jedan period kao ovlašteno lice kojem je uvećan radni staž itd.). Nismo u mogućnosti dostaviti spisak uposlenika MUP-a KS koji su navršili 60 godina sa tačnim podacima o ukupnom radnom i beneficiranom stažu obzirom da se radi o ličnim podacima te bi navedeno postupanje predstavljalo direktnu povredu Zakona o zaštiti ličnih podataka ("Službeni glasnik BiH", broj 49/06, 76/11 i 89/11). Prema članu 3. Zakona o zaštiti ličnih podataka "Lični podaci znače bilo koju informaciju koja se odnosi na fizičko lice na osnovu koje je utvrđen ili se može utvrditi identitet lica". Istim članom propisano je "Kontrolor je svaki javni organ, fizičko ili pravno lice, agencija ili drugi organ koji samostalno ili zajedno sa drugim vodi, obrađuje i utvrđuje svrhu i način obrade ličnih podataka na osnovu zakona ili propisa", dok "Obrada ličnih podataka podrazumjeva bilo koju radnju ili skup radnji koje se vrše nad podacima, bilo da je automatska ili ne, a posebno prikupljanje, unošenje, organiziranje, pohranjivanje, prerađivanje ili izmjenu, uzimanje, konsultiranje, korištenje, otkrivanje prijenosom, širenje ili na drugi način omogućavanje pristupa podacima, svrstavanje ili kombiniranje, blokiranje, brisanje ili uništavanje". Ponovno sugerišemo poslaniku Skupštine KS da se upozna sa odredbama pomenutog Zakona.

S poštovanjem,

**MINISTAR**

**Dipl. pravnik Nermin Pećanac**